

Martes, 18 de maio de 2021

Núm. 92

ADMINISTRACIÓN LOCAL

MUNICIPAL

CAMPO LAMEIRO

Ordenanzas e Regulamentos

APROBACIÓN DEFINITIVA ORDENANZA XESTIÓN BIOMASA, DISTANCIAS DE PLANTACIÓNS E LIMPEZA

ANUNCIO EN O BOLETÍN OFICIAL DA PROVINCIA DE APROBACIÓN DEFINITIVA

Ao non haberse presentado reclamacións durante o prazo de exposición ao público, queda automaticamente elevado a definitivo o Acordo plenario inicial de APROBACION ORDENANZA XESTION BIOMASA, DISTANCIAS DE PLANTACIONES E LIMPEZA, do 18 de febreiro de 2021, cuxo texto íntegro se fai público, para o seu xeral coñecemento e en cumprimento do previsto no artigo 70.2 da Lei 7/1985, de 2 de abril, de Bases do Réxime Local.

«APROBACION ORDENANZA XESTION BIOMASA, DISTANCIAS DE PLANTACIONES E LIMPEZA- EXPTE 4/2021.

Visto que, por Providencia de Alcaldía de data 11 de xaneiro de 2021, solicitouse informe de Secretaría en relación co procedemento e a Lexislación aplicable para a aprobación da Ordenanza municipal reguladora de Limpeza e xestión de biomasa.

Visto devandito informe, e visto o proxecto elaborado polos Servizos Municipais de Ordenanza municipal reguladora de Limpeza e xestión de biomasa.

Sendo as trece trinta e seis horas se incorpora á sesión o concelleiro do Grupo PorVir, Adrián Vázquez Valiño.

Visto o Informe de Secretaría e de conformidade co disposto nos artigos 22.2.d) e 49 da Lei 7/1985, de 2 de abril, Reguladora das Bases do Réxime Local, o Pleno a proposta da Comisión Informativa de Contas, Patrimonio e contratación, adopta por unanimidade dos oito membros presentes, o seguinte

ACORDO:

PRIMEIRO. Aprobación inicialmente a Ordenanza municipal reguladora de Limpeza e Xestión de biomasa nos termos en que figura no expediente/coa redacción que a continuación se recolle:



Martes, 18 de maio de 2021

Núm. 92

ORDENANZA REGULADORA DA LIMPEZA DE TERREOS, DA XESTIÓN DA BIOMASA E DAS DISTANCIAS DE PLANTACIÓN PARA A PREVENCIÓN E DEFENSA CONTRA INCENDIOS FORESTAIS DO CONCELLO DE CAMPO LAMEIRO*CAPÍTULO I: DISPOSICIÓNS XERAIS**Artigo 1.—Fundamentos*

O artigo 25 da Lei 7/1985 de 2 de abril, reguladora das bases do réxime local, segundo a modificación levada a cabo pola Lei 27/2013 de 27 de decembro, de racionalización e sustentabilidade da administración local, atribúelle ao municipio as competencias en protección da salubridade pública e na prevención e extinción de incendios. Así mesmo correspóndelle ao concello a potestade regulamentaria atribuída polo artigo 4.1 da Lei 7/1985, do 2 de abril, reguladora do réxime local, polo artigo 6.1 da Lei 5/1997, do 22 de xullo, reguladora da administración local de Galicia e polo artigo 12 da Lei 2/2016, do 10 de febreiro, do solo de Galicia.

Segundo o artigo 16.2 da Lei 3/2007, do 9 de abril, de prevención e defensa contra os incendios forestais de Galicia (modificada pola Lei 7/2012, do 21 de xuño, de montes de Galicia, e á súa vez modificada pola Lei 2/2017, do 8 de febreiro, de medidas fiscais, administrativas e de ordenación, así como pola Lei 9/2017, de 28 de decembro, de medidas fiscais e administrativas), os plans municipais de prevención e defensa contra os incendios forestais, poderán incluír ordenanzas de prevención de incendios concordantes co obxecto desta lei en solo urbano, núcleo rural e urbanizable situado a menos de 400 metros do monte. O Código Civil (Real decreto de 24 de xullo de 1889), establece, no seu artigo 591, algunhas limitacións relativas ás distancias para plantacións, en caso de ausencia de ordenanza ou costume do lugar.

Así, o Concello de CAMPO LAMEIRO, por medio da presente ordenanza, establece as condicións para, no ámbito das súas competencias, conseguir as axeitadas condicións de salubridade e seguridade para previr e evitar os incendios forestais, protexendo as persoas e os bens; promover as condicións de limpeza e ornato público en terreos e soares; e establecer prohibicións e distancias que se deben respectar ao realizar novas repoboacións forestais, plantacións de especies froiteiras ou ornamentais, e instalación de sebes.

Por outra banda, recóllense as obrigas estipuladas pola Lei 3/2007 para a xestión da biomasa sobre diferentes tipos de terreos situados no monte ou en zona de influencia forestal.

Artigo 2.—Ámbito de aplicación

A presente ordenanza é de obrigado cumprimento para todas as persoas responsables, tanto físicas como xurídicas, que teñan os seus terreos dentro do termo municipal de CAMPO LAMEIRO.

Conforme o disposto no artigo 4.2 da Lei 5/1997, de 22 de xullo, reguladora da administración local de Galicia, a presente ordenanza será de aplicación en todo o non previsto pola lexislación básica.



Martes, 18 de maio de 2021

Núm. 92

Artigo 3.—Persoas responsables

Para os efectos da presente ordenanza, entenderase por persoas responsables as persoas físicas ou xurídicas titulares ou, de ser o caso, as titulares do dereito de aproveitamento sobre os terreos afectados pola mesma, así como as administracións, as entidades ou as sociedades que teñan encomendada a competencia sobre a xestión, ou cedida esta en virtude dalgunha das formas previstas legalmente, das vías de comunicación e das liñas de transporte de enerxía eléctrica. Cando pertenza a unha persoa o dominio directo dun terreo ou construción e a outra o dominio útil, a obrigação recaerá sobre aquela que teña o dominio útil. A persoa responsable de realizar a xestión da biomasa será a persoa propietaria dos terreos edificados, para o cal disporá dunha servidume de paso forzosa para acceder á faixa establecida.

Este acceso farase durante o tempo estritamente necesario para o labor de xestión da biomasa, e polo punto menos prexudicial ou incómodo para os terreos gravados e, de ser compatible, polo máis conveniente para o beneficiario.

A retirada de especies arbóreas será realizada polo seu/súa propietario/a.

Artigo 4.—Definicións

Monte ou terreo forestal: todo terreo no que vexetan especies forestais arbóreas, arbustivas, de matogueira ou herbáceas, sexa espontaneamente ou procedentes de sementeira ou plantación, que cumpran ou poidan cumprir funcións ambientais, protectoras, produtoras, culturais, paisaxísticas ou recreativas. Teñen tamén a consideración de monte ou terreo forestal os demais terreos descritos no artigo 5 da Lei 43/2003, do 21 de novembro, de montes, e na Lei de montes de Galicia. Non terán a consideración de monte ou terreo forestal os terreos dedicados ao cultivo agrícola, o solo urbano, os núcleos rurais e o solo urbanizable, incluíndo a canle e a zona de dominio público hidráulico destes solos, e os excluídos pola normativa vixente, así como os terreos rústicos de protección agropecuaria. Non obstante, e para os únicos efectos do cumprimento das obrigas establecidas nesta ordenanza, poderán ter a consideración de monte aquelas superficies que estean clasificadas como terreo rústico de protección agropecuaria que reúnan as características previstas no artigo 5.1º da Lei 43/2003, mentres subsista o seu uso forestal.

Repoboación forestal: introdución de especies forestais nun terreo mediante sementeira ou plantación.

Zona de influencia forestal: as áreas estremeiras que abranguen unha franxa circundante dos terreos forestais cunha largura de 400 metros, excluíndo o solo urbano, de núcleo rural e o urbanizable.

Xestión de biomasa: a creación e mantemento da discontinuidade horizontal e vertical da carga de combustible no terreo forestal e na súa zona de influencia, a través do control ou eliminación parcial ou total da biomasa vexetal por medio do emprego das técnicas máis recomendadas e coa intensidade e frecuencia adecuadas para o cumprimento dos obxectivos previstos.



Tendo en conta que os terreos situados en solo urbano, de núcleo rural ou urbanizable teñen unha natureza residencial ou habitacional, os riscos para os bens e as persoas por motivos de incendios forestais, deben reducirse ao mínimo e primar a seguridade.

Os criterios para levar a cabo a xestión da biomasa son os establecidos na Orde de 31 de xullo de 2007, que se recolle como o Anexo III desta ordenanza.

Rede de faixas de xestión de biomasa: o conxunto de parcelas lineais do territorio estratexicamente localizadas, onde se garante o control e a eliminación total ou parcial da biomasa forestal, mediante técnicas silvícolas axeitadas, co obxectivo principal de reducir o risco de incendio.

Redes secundarias de faixas de xestión de biomasa: teñen un ámbito municipal e posúen a función prioritaria de protección dos núcleos poboacionais, das infraestruturas, dos equipamentos sociais, das zonas edificadas, dos parques e dos polígonos industriais.

Redes terciarias de faixas de xestión de biomasa: localízanse nos terreos forestais e nas zonas de influencia forestal e están vinculadas ás infraestruturas de uso público, así como ás seguintes infraestruturas de prevención e defensa contra os incendios forestais: camiños, vías, pistas forestais, devasas, faixas auxiliares de pista, áreas cortalumes e outras infraestruturas ou construcións relacionadas coa prevención e defensa contra os incendios forestais.

Solo urbano, de núcleo rural e urbanizable: para os efectos desta ordenanza terán a consideración destes tipos de solo os terreos que o planeamento urbanístico de aplicación cualifiquen como tales ou os que reúnan as condicións que sinala os artigos 16, 23 e 27da Lei 2/2016, do 10 de febreiro, do solo de Galicia.

Interface urbano forestal: Zona na que as edificacións entran en contacto co monte. Zona onde se atopan o mesturan vivendas e outras estruturas antrópicas con vexetación forestal e outros combustibles vexetais, o que require un modelo de protección contra incendios distinto do que se aplica no terreo forestal.

CAPÍTULO II: DA LIMPEZA DE TERREOS E SOARES.

Artigo 7. Obrigas.

Segundo a Lei 3/2007, do 9 de abril, de prevención e defensa contra os incendios forestais de Galicia, na súa última redacción, existirán unha serie de obrigas de xestión da biomasa aplicables aos terreos situados no monte e na súa zona de influencia forestal, de acordo cos criterios estipulados no Anexo III. Artigo 7.

—Obrigas nas faixas secundarias Segundo o artigo 21 da Lei 3/2007, as redes secundarias de faixas de xestión de biomasa estarán formadas polos espazos previamente definidos como tales no plan municipal de prevención e defensa contra os incendios forestais de Campo Lameiro. Nelas será obrigatorio para as persoas responsables, xestionar a biomasa vexetal, de acordo os criterios estipulados, nunha franxa de 50 metros:



Martes, 18 de maio de 2021

Núm. 92

- a) Perimetral ao solo urbano, de núcleo rural e urbanizable
- b) Arredor das edificacións, vivendas illadas, urbanizacións, depósitos de lixo, cámpings, gasolineiras e parques e instalacións industriais situados a menos de 400 metros do monte
- c) Arredor das edificacións illadas en solo rústico situadas a máis de 400 metros do monte.

Con carácter xeral, na mesma franxa de 50 metros mencionada no punto anterior non poderá haber árbores das especies sinaladas no Anexo II desta ordenanza.

As distancias mencionadas neste artigo mediranse, segundo os casos:

- a) Desde o límite do solo urbano, de núcleo rural e urbanizable
- b) Desde os paramentos exteriores das edificacións, vivendas illadas e urbanizacións, ou os límites das súas instalacións anexas.
- c) Desde o límite das instalacións no caso dos depósitos de lixo gasolineiras e parques e instalacións industriais.
- d) Desde o peche perimetral no caso dos cámpings.

Artigo 8.—Obrigas nas faixas terciarias

Segundo o artigo 21 bis da Lei 3/2007, nos espazos previamente definidos como redes terciarias de faixas de xestión de biomasa no plan de prevención e defensa contra os incendios forestais do Distrito XIX Caldas- Salnés (aprobado pola Orde do 13 de marzo de 2009 sobre aprobación dos plans de prevención e defensa contra os incendios forestais de distrito) será obrigatorio para as persoas responsables:

- a) Xestionar a biomasa vexetal na totalidade da superficie das infraestruturas de uso público ou áreas recreativas, así como nunha franxa perimetral de 50 metros.
- b) Xestionar a biomasa vexetal na totalidade das parcelas que se atopen dentro dunha franxa circundante de 50 metros arredor de zonas forestais de alto valor, cando así sexan especificamente declaradas por orde da consellería competente en materia forestal.
- c) Nas vías e nos camiños forestais, a xestión da biomasa vexetal farase no estrato arbustivo e subarbustivo, na plataforma de rodadura do camiño e nos 2 metros desde a aresta exterior da vía ou do camiño.
- d) No resto de infraestruturas de prevención e defensa contra os incendios forestais (devasas, faixas auxiliares de pista, rozas, áreas cortalumes e outras infraestruturas de prevención e defensa contra incendios forestais), a xestión da biomasa vexetal farase de acordo co planeamento de prevención e defensa contra os incendios forestais do distrito.



Artigo 9.—Novas edificacións

Segundo o artigo 23 da Lei 3/2007, as novas instalacións destinadas a explotacións agrícolas, gandeiras e forestais e as vivendas vinculadas a estas, así como as novas urbanizacións e edificacións para uso residencial, comercial, industrial ou de servizos resultantes da execución de plans de ordenación urbanística que afecten zonas de monte ou de influencia forestal, e que non teñan continuidade inmediata coa trama urbana e que resulten estremeiras con monte ou con zonas de influencia forestal, terán que cumprir coas seguintes medidas de prevención:

a) Asegurar a existencia dunha faixa perimetral de protección para a xestión da biomasa e retirada de especies de 50 metros de largo, arredor da urbanización, edificación ou instalación, computada desde o límite exterior da edificación ou instalación destinada ás persoas, libre de vexetación se cae coa masa arbórea rareada, que en ningún caso conterá especies do Anexo II desta ordenanza, consonte os criterios que se establecerán mediante orde da consellería competente en materia forestal.

b) No caso de urbanizacións e edificacións para uso industrial deberán dispoñer de xeito perimetral dunha rede de hidrantes homologados para a extinción de incendios ou, na súa falta, de tomas de auga, de acordo co que se estableza regulamentariamente.

c) Presentar ante a administración municipal un proxecto técnico de prevención e defensa contra incendios forestais que garanta o cumpren todo que establece a citada lei e a normativa que a desenvolva, así como o cumprimento do plan municipal de prevención e defensa contra incendios forestais, no momento de se aprobar.

*CAPÍTULO III: DAS DISTANCIAS DAS PLANTACIÓNS**Artigo 10.—Prohibicións e distancia das repoboacións forestais*

De conformidade co disposto no artigo 67.1 da Lei 7/2012 de Montes de Galicia, quedan prohibidas as repoboacións forestais nos terreos clasificados como solo urbano, urbanizable, de núcleo rural e no rústico de especial protección agropecuaria.

Non se permiten plantacións das especies indicadas no Anexo II desta ordenanza, en solo de núcleo rural, solo urbano nin solo urbanizable, en toda a superficie do concello. Así mesmo, prohibese a sementeira ou a plantación con exemplares dos xéneros *Acacia* (acacia negra, mimosa), *Robinia* (falsa acacia) e *Eucalyptus*, mesmo de pés illados, en toda a superficie do concello.

As distancias mínimas que deben respectar as novas repoboacións forestais, veñen recollidas na Lei 7/2012, de Montes de Galicia, segundo a seguinte táboa:

- a) Con parcelas forestais 2 metros
- b) Con terreos situados en solo rústico de especial protección agropecuaria 10 metros



Martes, 18 de maio de 2021

Núm. 92

c) Con zonas dedicadas a labradío, cultivo, prados ou pastos non clasificados de especial protección agropecuaria 4 metros cando se empreguen as especies frondosas do Anexo I, e 10 metros no resto de especies

d) Desde o límite do dominio público das vías (autoestradas, autovías, corredores, vías rápidas e estradas convencionais) ou do ferrocarril 4 metros cando se empreguen as especies frondosas do Anexo I, e 10 metros no resto de especies

e) Con pistas forestais principais 2 metros cando se empreguen as especies frondosas do Anexo I; no resto de especies, 4 metros en xeral, e 6 metros nos concellos declarados como zona de alto risco

f) Desde a proxección do condutor máis externo, considerando a súa desviación máxima producida polo vento segundo a normativa aplicable a cada caso, da infraestrutura eléctrica 5 metros para todas as especies

g) Con canles fluviais de máis de 2 metros de ancho, 5 metros cando se empreguen as especies de frondosas do Anexo I, e 15 metros no resto de especies, contados dende o dominio público. Non será aplicable en actuacións de recuperación ambiental

h) Con edificacións, vivendas illadas, urbanizacións, depósitos de lixo, parques e instalacións industriais situadas a menos de 400 metros do monte ou fóra de solo urbano e de núcleo rural e con vivendas illadas en solo rústico, independentemente da súa distancia ao monte: 15 m cando se empreguen especies de frondosas do Anexo I e 50 m no resto de especies.

i) Con solo urbano, solo de núcleo rural e solo urbanizable: 2 m cando se empreguen especies do Anexo I e 50 m para o resto de especies.

j) Con campings, gasolineras e industrias ou instalacións preexistentes nos cales se desenrolexen actividades perigosas con arranxo ao estabrecido na Lei 1/1995, de 2 de xaneiro, de protección ambiental de Galicia, ou na súa norma de desenvolvemento: 15 metros para especies de frondosas do Anexo I e 50 m, para o resto de especies

Artigo 11.—Distancias das novas plantacións de especies frondosas, froiteiras ou árbores ornamentais

En solo de núcleo rural, solo urbano e solo urbanizable permitirase a plantación de especies frondosas (agás, segundo o recollido no artigo 10, as dos xéneros *Acacia*, *Robinia* e *Eucalyptus*), froiteiras ou árbores ornamentais, sempre que a distancia entre os pés das plantas sexa, como mínimo, de 10 metros e que as polas das árbores e/ou arbustos non se acheguen a menos de 15 metros das edificacións principais nin a menos de 2 metros do linde da parcela contigua. As copas das árbores nunca se poderán proxectar sobre o tellado das vivendas.

O cálculo das distancias das plantacións forestais e pés illados realizarase desde o punto máis próximo da plantación respecto do plano sobre o que se proxecta a superficie ocupada pola edificación.



Martes, 18 de maio de 2021

Núm. 92

Non se terán en conta as edificacións dedicadas á garda de apeiros agrícolas ou forestais, así coma as restantes edificacións e instalacións menores.

En todo caso, os pés das árbores deberán gardar unha distancia mínima de 5 metros respecto do dominio público viario, das conducións municipais de abastecemento e evacuación de augas, ou do alumeado público, sen que as polas poidan invadir o seu voo. Exceptuaranse desta prohibición as árbores ornamentais situadas nas beirarrúas, zonas verdes e xardíns de xestión pública ou áreas equivalentes.

Artigo 12.—Distancias das plantacións arbustivas, sebes e plantacións en medianeira e lindeiros

As distancias que deberán gardarse ao facer plantacións de especies arbustivas, sebes, en medianeiras e lindeiros, sobre calquera tipo de solo en toda a superficie do concello, serán as indicadas na seguinte táboa:

****A VIVENDAS:** Arbustos de ata 2 metros de altura: 1 metro . Arbustos de máis de 2 metros de altura: 7 metros

**** A EDIFICIOS NON VIVENDA** (arbustos de máis de 2 metros de altura): 7 metros

**** A PRADEIRAS E FINCAS DE LABOR:** Arbustos de ata 2 metros de altura: Sen limitación
Arbustos de máis de 2 metros de altura: 3 metros

**** A CAMIÑOS PÚBLICOS:** 5 metros desde o eixo e 2 metros desde o borde

**** A CONDUCCIÓN MUNICIPAL DE ABASTECIMENTO OU EVACUACIÓN DE AUGAS:** 5 metros

**** A OUTRAS PLANTACIÓNS:** Arbustos de ata 2 metros de altura: Sen limitación. Arbustos de máis de 2 metros de altura: A mesma distancia das plantacións existentes, cun máximo de 3 metros

No suposto de que se pretenda realizar unha pantalla ou barreira vexetal xunto ao límite da propiedade, ademais de considerar as distancias en función da altura da plantación arbustiva, só poderán utilizarse especies adecuadas para esta finalidade (aligustre, buxo, Photinia, Edra...) e, en ningún caso, se plantarán especies que ao medrar puideran causar coas súas raíces danos nas paredes ou no chan. Tampouco se deberán realizar plantacións a modo de pantalla de carácter pirófito nas zonas de interface urbano- forestal como exemplo: Loureiros (*Laurus Nobilis*), Cipreses (sobre todo *Cupresus.arizonica*, *C.sempervirens*), Romeu (*Rosmarinum sp*), Tuías (*Thuja plicata*). Etc



*CAPÍTULO IV: PROCEDIMIENTO REGULADO**Artigo 13.—Licenzas e permisos para talas*

As talas e os abatementos de árbores que constitúan masa arbórea, espazo boscoso, arboredo ou parque, a excepción das autorizadas polos órganos competentes da Comunidade Autónoma en materia forestal, estarán suxeitas a obtención da previa licenza municipal por parte deste concello.

Así mesmo, segundo o establecido na Disposición Transitoria quinta da Lei 7/2012 de montes, o aproveitamento das masas forestais existentes en solos urbanizables, no momento da súa entrada en vigor, estará sometido ao réxime de autorizacións da citada lei ata o desenvolvemento urbanístico deses solos, momento no que precisarán da licenza municipal descrita no primeiro parágrafo deste artigo.

Artigo 14.—A xestión da biomasa

As obrigas recollidas no capítulo III desta ordenanza deben executarse antes do 31 de maio de cada ano. Na derradeira semana de marzo realizaranse comunicacións xerais desas obrigas mediante a difusión de bandos ou notas informativas para o xeral coñecemento.

Superado o 31 de maio, ben de oficio ou mediante denuncia previa de particulares, realizarase unha inspección e levantamento de actas nos lugares afectados, á fin de comprobar os feitos, así como a situación real dos terreos e a súa incidencia sobre a prevención e risco de propagación de incendios, e darase comezo ao procedemento para a xestión da biomasa no ámbito das redes de faixas recollido no artigo 22 da Lei 3/2007 de incendios de Galicia.

Artigo 15.—Para vertedoiros, residuos forestais, limpeza de soares e distancias de plantación

As obrigas recollidas nos capítulos II e IV desta ordenanza deben cumprirse de xeito permanente.

No caso de detección de incumprimento dalgunha desas obrigas, ben de oficio ou mediante denuncia previa de particulares, realizarase unha inspección e levantamento de actas nos lugares afectados, á fin de comprobar os feitos, así como a situación real dos terreos, e darase comezo ao procedemento regulado no artigo 16.

Artigo 16.—Procedemento de orde de execución

Unha vez que o Concello se atope en posesión da acta de inspección o Alcalde poderá ben arquivar o expediente, se a persoa responsable cumpriu as súas obrigas, ou ben acordar a iniciación dun expediente de orde de execución, notificándollo á persoa responsable.



A resolución que acorde a iniciación do expediente será notificada á persoa responsable concedéndolle, ao abeiro do artigo 82 da Lei 39/2015, de 1 de outubro, do procedemento administrativo común das administracións públicas, un prazo de audiencia de dez días desde a notificación do acordo, para que formule as alegacións que considere oportunas.

Para o caso de persoas responsables descoñecidas ou ilocalizables publicárase un edicto nos Boletíns Oficiais. No suposto de non se formular alegación ningunha ou se as presentadas fosen desestimadas, o Alcalde ditará orde de execución, que se efectuará no prazo máximo de quince días desde a súa notificación á persoa interesada. Este prazo poderase ampliar, por causa xustificada, noutros quince días.

Rematado este prazo o Concello efectuará unha nova inspección co obxecto de comprobar o cumprimento da orde de execución.

No caso de non se ter cumprido, o mesmo órgano que a ditou poderá acordar, de acordo co artigo 103 da Lei 39/2015, de 1 de outubro, do procedemento administrativo común das administracións públicas, o outorgamento dun novo prazo, a execución subsidiaria a custa do infractor ou a execución forzosa mediante a imposición de multas coercitivas. As multas coercitivas serán independentes e compatibles coa sanción, poderán reiterarse mensualmente ata lograr o cumprimento do ordenado, e cada unha delas por separado non poderá superar o 20% da multa fixada pola sanción.

A contía fixarase tendo en conta os seguintes criterios:

- a) O retraso no cumprimento da obriga a reparar
- b) A superficie do predio
- c) O número de predios afectados

d) A existencia de intencionalidade ou reincidencia no cumprimento No caso de execución subsidiaria notificaráselle á persoa responsable o día e hora en que se levarán a cabo os traballos, estando esta obrigada a facilitarlles os necesarios accesos ás entidades responsables dos traballos, que non requirirán de ningunha autorización para a súa execución.

Os custos derivados deses traballos serán repercutidos, se é o caso, ás persoas responsables procedendo ao cobro dos gastos que se ocasionen ao concello a través do procedemento executivo de apremio, se fose preciso.

As tarifas que se usarán para o cobro dos gastos derivados da execución subsidiaria dos traballos serán os recollidos no Anexo IV desta Ordenanza.



*CAPÍTULO V: RÉXIME SANCIONADOR**Artigo 17.—Supletoriedade desta ordenanza*

A determinación das infraccións, sancións e competencias nas materias ás que se refire esta ordenanza será a establecida pola normativa sectorial de aplicación e, suplementariamente, pola propia ordenanza.

Será de aplicación preferente ao réxime sancionador establecido pola ordenanza:

1.—A Lei 3/2007, do 9 de abril, de prevención e defensa contra os incendios forestais de Galicia.

2.—A Lei 10/2008, do 3 de novembro, de residuos de Galicia.

3.—A Lei 22/2011, do 28 de xullo, de residuos e solos contaminados.

4.—A Lei 7/2012, do 28 de xuño, de montes de Galicia.

5.— Calquera outra norma estatal ou autonómica que contiña tipificacións de infraccións e sancións na materia regulada por esta ordenanza e que estableza a competencia municipal nestas, será de aplicación preferente tanto na tipificación das infraccións como na contía das sancións.

Cando polos mesmos feitos e fundamentos xurídicos o infractor puidese ser sancionado de acordo con varias leis de aplicación, das posibles sancións, seralle imposta a de maior gravidade.

Artigo 18.—Competencia

Corresponde ao Concello de Campo Lameiro a través da Alcaldía ou no que delegue, a inspección e sancións das infraccións, previa a instrución do correspondente expediente, das obrigas reguladas nesta ordenanza.

Cando se detecten infraccións de índole penal ou de competencia doutras administracións darase conta inmediata das mesmas ao organismo que corresponda ou xurisdición competente.

Artigo 19.—Cualificación das infraccións

Consideraranse infraccións administrativas en relación coas materias ás que se refire esta ordenanza os actos ou omisións que contraveñan as normas contidas nas leis e na propia ordenanza, así como a desobediencia aos mandatos que dite o órgano competente en relación coas materias que se regulan. As infraccións cualificaranse de leves, graves ou moi graves.

INFRACCIÓNS LEVES Terán a consideración de infraccións leves:

a) Non proceder á xestión da biomasa e limpeza dos terreos, unha vez transcorrido o prazo sinalado polo concello.



Martes, 18 de maio de 2021

Núm. 92

b) Manter os terreos e soares sen a debida hixiene, limpeza ou ornato, agás que provoque problemas de salubridade.

c) En xeral incumprir esta ordenanza, cando a acción ou omisión non estea tipificada como falta grave ou moi grave

d) Non cumprir as ordes específicas ditadas polo concello.

INFRACCIÓNS GRAVES Terán a consideración de infraccións graves:

a) Non proceder á xestión da biomasa e limpeza dos terreos, cando haxa risco inminente de incendio para as bens ou persoas.

b) Manter os terreos e soares sen a debida hixiene, limpeza ou ornato, e que isto provoque problemas de salubridade pública.

c) Non proceder á xestión da biomasa e limpeza dos terreos, unha vez transcorrido o prazo sinalado polo concello, e tras cumprise o prazo da notificación expresa da obriga. d) Realizar plantacións sen gardar as distancias establecidas nesta ordenanza, ou en lugares ou con especies non permitidas.

e) Non permitir, resistirse ou obstruír o traballo do persoal de vixilancia á inspección dos terreos.

f) Negarse a subministrar información á autoridade municipal, funcionarios e axentes, no cumprimento das súas funcións.

g) Cometer unha terceira infracción de carácter leve no prazo de dous anos, sempre que se produza con respecto ás dúas anteriores, a resolución sancionadora fose firme na vía administrativa. O prazo comezará a contar desde o día en que a primeira resolución sexa firme nesta vía.

INFRACCIÓNS MOI GRAVES Terán a consideración de infraccións moi graves:

a) Cometer unha infracción na que se observe dolo, se produza unha irreversibilidade do dano causado, se produzan danos moi graves sobre os recursos naturais ou grave perigo para a salubridade pública.

b) Non proceder a corrección do incumprimento con respecto das distancias establecidas nesta ordenanza, ou en lugares ou con especies non permitidos, unha vez transcorrido o prazo sinalado polo concello, e tras cumprise o prazo da notificación expresa da obriga.

c) Coaccionar ou ameazar á autoridade municipal, funcionarios e axentes, no cumprimento das súas funcións.

d) Cometer unha terceira infracción de carácter grave no prazo de dous anos, sempre que se produza con respecto ás dúas anteriores, a resolución sancionadora fose firme na vía administrativa. O prazo comezará a contar desde o día en que a primeira resolución sexa firma nesta vía.



Martes, 18 de maio de 2021

Núm. 92

Artigo 20.—Contía das sancións

Sen prexuízo de esixir as responsabilidades penais ou civís que procedan, e sen prexuízo do carácter supletorio desta ordenanza, a contía das sancións que se impoñerán polo seu incumprimento serán as seguintes:

- a) Por infraccións leves: multa de ata 750,00 euros.
- b) Por infraccións graves: multa desde 751,00 a 1.500,00 euros.
- c) Por infracción moi graves: multa desde 1.501,00 a 3.000,00 euros.

As sancións graduaranse en función dos seguintes criterios:

- Grao de intencionalidade
- Grao de reiteración
- Contía do beneficio obtido ou ánimo de lucro
- Natureza e intensidade dos prexuízos causados
- Adopción de medidas tendentes a diminuír o dano
- Afectación á salubridade pública

Artigo 21.—Prescripción

As infraccións e sancións prescribirán segundo o disposto nas leis que as establezan. Se estas non fixan os prazos de prescripción, as infraccións moi graves prescribirán aos tres anos, as graves aos dous anos e as leves aos seis meses.

As sancións impostas por faltas moi graves prescribirán aos tres anos, as impostas por faltas graves aos dous anos e as impostas por faltas leves aos seis meses.

O prazo de prescripción das sancións comezará a contarse desde o día no que a infracción se cometese. Interromperá a prescripción a iniciación, con coñecemento das persoa interesada, do procedemento sancionador, renovándose o prazo de prescripción se o expediente sancionador estivese paralizado máis dun mes por causas non imputables ao presunto responsable.

O prazo de prescripción das sancións comezará a contar desde o día seguinte a aquel no que adquirira firmeza a resolución pola que se impón a sanción. Interromperá a prescripción a iniciación, con coñecemento das persoas interesadas, do procedemento de execución, renovándose o prazo de prescripción se o expediente de execución estivese paralizado máis dun mes por causas non imputables ao presunto responsable.



*CAPITULO VI – LICENCIA E PERMISO DE TALAS**Artigo -22.- Talas e abatementos*

As talas e os abatementos de árbores que constitúan masa arbórea, espazo boscoso, arborada ou parque, a excepción das autorizadas en solo rústico ou urbanizable non programado polos órganos competentes da Comunidade Autónoma en materia forestal, estarán suxeitas á obtención con carácter previo da autorización municipal por parte deste concello.

*Artigo 23- Realización de tarefas extractivas***23.1 Obrigatoriedade da comunicación previa da tala**

Para garantir a preservación do medio ambiente e a conservación dos camiños e pistas rurais, e sen prexuízo da necesaria obtención doutros permisos ou autorizacións establecidos, establécese a obrigatoriedade da comunicación previa da tala de plantacións forestais cando superen as 5 toneladas ou procedan dunha superficie superior a 500 m².

A comunicación da corta será efectuada pola persoa física ou xurídica responsábel da mesma, como mínimo 15 días antes da data prevista para o comezo dos traballos debendo constar nela o seguinte:

Identificación do propietario e madeireiro.

Especie de madeira obxecto da tala así como Tm a extraer.

Nome do monte afectado e identificación en plano.

Lugar de depósito e vías a utilizar para o transporte da madeira.

Deberase achegar ademais copia do permiso de corta expedido pola autoridade competente.

23.2 Responsable da tala

A persoa encargada da tala será responsable directa dos danos ocasionados nas vías públicas municipais como consecuencia do depósito e transporte da madeira, quedando obrigado á reparación destes, incluso con limpeza e retirada de residuos.

23.3 Almacenamento, limpeza e sinalización

As vías públicas non poderán usarse para almacén de madeira, aínda que se autorizan as operacións imprescindibles para a súa carga; en todo caso, as cunetas quedarán no estado que tiñan antes da tala.

As limpeza ou reparacións deberanse realizar nun prazo de 48 horas, a partir da retirada da madeira, ou en 48 horas cando coincida en fin de semana.



Martes, 18 de maio de 2021

Núm. 92

As vías situadas na zona de extracción e depósito deberán estar debidamente sinalizadas, conforme á lexislación viaria vixente, e vixiadas co fin de previr aos usuarios destas da realización da actividade e dos riscos derivados dela.

23.4 Restos de tala

Os restos ou depósitos de materiais procedentes de tala, poda ou entresaca, non poderán invadir as vías, tanto na zona de circulación de vehículos como de peóns, nin menoscar a funcionalidade das gabias, canalizacións, pontes ou calquera outro tipo de canle ou paso de auga, como de calquera outra infraestrutura auxiliar ou anexa ás vías, nin supoñer risco para os usuarios da vía.

23.5 Retirada de restos

Igualmente, a persoa física ou xurídica que figure como titular na solicitude de autorización de corta estará obrigada a retirar da zona de extracción e xestionar de acordo coa normativa vixente en materia de residuos todo o lixo que puidese xerarse durante a actividade (latas combustible, recipientes de bebidas, etc.).

23.6 Obrigatoriedade de fianza e/ OU Seguro de Responsabilidade civil

A persoa responsábel da tala establecerá unha fianza a favor do concello para o obxecto de responder de posibles danos non reparados voluntariamente, na contía fixada polo servizo técnico municipal.

23.7 Fianzas

1. Os/as responsables do aproveitamento presentarán, antes de comezar os traballos, os xustificantes de ter depositada a fianza, por calquera dos procedementos establecidos pola lexislación vixente, polos importes indicados no punto seguinte, para responder do arranxo dos danos que puidesen producir nas vías e a limpeza dos restos das operacións de depósito e carga de madeira.

2. Para os efectos da fixación de fianzas, estableceranse catro categorías, en función do volume do aproveitamento:

- a) Volume de corta inferior a 300 m³: 1500 €.
- b) Volume de corta entre 301 m³ e 1500 m³: 2500 €
- c) Volume de corta entre 1501 m³ e 3000 m³: 3500 €
- d) Volume de corta superior a 3000 m³: 6000 €

3. Unha vez comunicado o remate dos traballos por parte da persoa interesada, a tramitación administrativa do expediente da devolución da fianza completárase nun prazo de 30 días naturais, unha vez que os servizos municipais comprobasen a inexistencia de danos nas vías e infraestruturas de titularidade municipal.



Artigo 24. Control

O Concello, a través da Área de Medio Ambiente, supervisará o cumprimento das actividades.

*CAPITULO VII- REXIME SANCIONADOR EN MATERIA DE TALAS**Artigo 24. Competencia*

Corresponde ao Concello de CAMPO LAMEIRO a través da Alcaldía ou Concelleiro/a en que delegue, a inspección e sanción das infraccións, despois da instrución do correspondente expediente, das obrigas reguladas nesta ordenanza. Cando se detecten infraccións de índole penal ou de competencia doutras Administracións darase conta inmediata das mesmas ao organismo que corresponda ou xurisdición competente.

Artigo 25. Clasificación das infraccións

Considéranse infraccións administrativas en relación coa materia de talas e xestión da biomasa, os actos ou omisións que contraveñan o establecido nas normas que integran o seu contido.

As infraccións clasifícanse en leves, graves e moi graves.

Artigo 26. Infraccións leves

- a) Non proceder á limpeza e roza dos terreos e franxas de xestión da biomasa sinaladas nesta Ordenanza unha vez transcorrido o prazo sinalado polo Concello.
- b) Non realizar comunicación previa da tala de plantacións forestais cando superen as 5 toneladas ou procedan dunha superficie superior a 500 m².
- c) Non cumprir as ordes específicas ditadas polo concello.
- d) A realización de plantacións sen gardar as distancias establecidas na presente ordenanza.

Artigo 27. Infraccións graves

- a) Non proceder á roza e limpeza dos terreos unha vez notificada a súa obriga e cando haxa risco inminente de incendio para as vivendas e persoas.
- b) Non permitir o acceso ao persoal de vixilancia á inspección dos terreos.
- c) A negativa a subministrar información á autoridade municipal, funcionarios e axentes en cumprimento das súas funcións.
- d) A realización de plantacións nos lugares expresamente prohibidos na presente ordenanza.
- e) Non arranxar os danos ocasionados pola saca da madeira.



Martes, 18 de maio de 2021

Núm. 92

f) A reincidencia en infraccións leves. Enténdese que existe reincidencia pola comisión no termo dun ano dunha infracción leve cando así fose declarado por resolución firme.

Artigo 28. Infraccións moi graves

a) Cando houberse grave repercusión negativa ou deterioración nos recursos naturais.

b) A reincidencia en infraccións graves. Enténdese que existe reincidencia pola comisión no termo dun ano dunha infracción grave cando así fose declarado por resolución firme

c) A resistencia, coacción ou ameaza á autoridade municipal, funcionarios e axentes.

Artigo 29. Sancións

1. As sancións aplicables serán as seguintes:

a) Por infraccións leves, multa dende 101,00 a 1.000,00 euros.

b) Por infraccións graves, multa dende 1.001,00 a 1.800,00 euros.

c) Por infraccións moi graves, multa de 1.801,00 a 3.500,00 euros.

2. As sancións graduaranse en función dos seguintes criterios:

Grao de intencionalidade.

Contía do beneficio obtido.

Natureza dos prexuízos causados, e/ou reiteración nos feitos .

DISPOSICIÓNS ADICIONAIS

Primeira. Como Anexo I desta ordenanza, inclúese o listado de especies de crecemento lento recollida no Anexo I da Lei 7/2012, de 28 de xuño, de montes de Galicia.

Segunda. Como Anexo II desta ordenanza, inclúese o listado de especies recollidas na Disposición Adicional Terceira da Lei 3/2007 de 9 de abril, de prevención e defensa contra os incendios forestais de Galicia.

Terceira. Como Anexo III desta ordenanza inclúense os criterios para a xestión da biomasa recollidos na Orde de 31 de xullo de 2007.

Cuarta: Como Anexo IV desta ordenanza inclúese as tarifas polo custo de execución dos traballos de xestión da biomasa.

Quinta. Estarán excluídos da aplicación desta ordenanza os exemplares vexetais e formacións recollidos no Decreto 67/2007, do 22 de marzo, polo que se regula o Catálogo Galego de Árbores Senlleiras, modificado polo Decreto 10/2015, do 22 de xaneiro, así como aqueles outros exemplares vexetais e formacións que, polo seu valores ecolóxicos, estéticos, históricos ou culturais, merezan ser conservados.



DISPOSICIÓN TRANSITORIA

Única. As plantacións de árbores existentes á entrada en vigor da presente ordenanza que, como consecuencia da súa aplicación, se atopen a unha distancia menor á regulada, disporán dun período máximo de cinco anos para adaptarse á citada disposición, agás autorización do órgano competente da Xunta de Galicia en materia forestal.

DISPOSICIÓN DERROGATORIA

Única. Coa entrada en vigor desta ordenanza quedarán derogadas cantas ordenanzas e disposicións municipais de igual ou inferior rango se opoñan, contradigan ou resulten incompatibles co nela regulado na presente.

DISPOSICIÓN DERRADEIRAS

Primeira. Coa entrada en vigor de normas de rango superior ao desta ordenanza, que afecten ás materias reguladas nela, determinarase a aplicación automática daquelas, sen prexuízo da posterior adaptación que proceda.

Segunda. A presente ordenanza entrará en vigor, de conformidade co disposto nos artigos 65.2 e 70.2 da Lei 7/1985, de 2 de abril, reguladora das bases de réxime local, no prazo de 15 días hábiles a partir da súa publicación íntegra no Boletín Oficial da Provincia.

A N E X O S

ANEXO I: Especies autóctonas de crecemento lento recollidas no Anexo I da Lei 7/2012 de montes de Galicia

- Coníferas

Piñeiro silvestre: *Pinus sylvestris* L.

Teixo: *Taxus baccata* L.

- Frondosas

Ameneiro: *Alnus glutinosa* (L.) Gaertn.

Pradairo: *Acer pseudoplatanus* L.

Bidueiro: *Betula* sp.

Freixo: *Fraxinus excelsior* L.

Freixa: *Fraxinus angustifolia* Vahl.

Castiñeiro: *Castanea sativa* Mill.

Castiñeiro híbrido: *Castanea* x híbrida (resistente tinta)



Martes, 18 de maio de 2021

Núm. 92

Cerdeira: *Prunus avium* L.
Carballo: *Quercus robur* L.
Cerquiño: *Quercus pirenaica* Will.
Sobreira: *Quercus suber* L.
Carballo albar: *Quercus petraea* (Matts) Liebl.
Aciñeira: *Quercus ilex* L. ssp. *ballota* (Desf.) Samp.
Quercus rotundifolia Lam.
Abeleira: *Corylus avellana* L.
Faia: *Fagus sylvatica* L.
Umeiro: *Ulmus glabra* Huds., *Ulmus minor* Miller.
Loureiro: *Laurus nobilis* L.
Sorbeira do monte: *Sorbus aria* L.
Capudre: *Sorbus aucuparia* L.
Nogueira: *Juglans regia* L.
Érbedo: *Arbutus unedo* L.

*ANEXO II:**Especies recollidas na Disposición Adicional Terceira da Lei 3/2007 de incendios de Galicia.*

- Piñeiro do país, piñeiro galego: *Pinus pinaster* Ait.
 - Piñeiro silvestre: *Pinus sylvestris* L.
 - Piñeiro de Monterrey: *Pinus radiata* D.
 - Piñeiro de Oregón: *Pseudotsuga menziesii* Mirb.
 - Mimosa: *Acacia dealbata* Link.
 - Acacia negra: *Acacia melanoxylon* R. Br.
 - Eucalipto: *Eucalyptus* sp.
 - Queiruga: *Calluna vulgaris* (L.) Hull
 - Carqueixa: *Chamaespartium tridentatum* L
 - Xesta: *Cytisus* spp.
 - Uz, carpaza: *Erica* spp.
 - Xesta, piorno: *Genista* spp.
 - Fento: *Pteridium aquilinum* (L.) Kuhn
 - Silva: *Rubus* sp.
 - Toxo: *Ulex europaeus* L.



En todo caso, poderán conservarse árbores das especies sinaladas en calquera clase de terreos incluídos nas redes primarias e secundarias de xestión de biomasa no caso de que se trataren de árbores senlleiras, ou aquelas que cumpran funcións ornamentais ou se atopen illadas e non supoñan un risco para a propagación de incendios forestais.

ANEXO III:

Criterios para a xestión da biomasa

Nas zonas onde sexa obrigatorio xestionar a biomasa, esta realizárase, ao abeiro da Orde de 31 de xullo de 2007, cumprindo acumulativamente os seguintes criterios xerais.

- 1. No estrato arbóreo, as masas serán mixtas ou de frondosas caducifolias e a distancia entre plantas será, como mínimo, de 7 metros e mantendo as copas tanxentes. A poda debe ser do 35% da altura da árbore ata que esta atinxa os 11,4 metros, altura a partir da cal a poda debe alcanzar o mínimo de 4 metros por riba do chan.
- 2. No estrato arbustivo e herbáceo, a carga total non pode exceder os 2.000 m³/hectárea, debendo simultaneamente ser cumpridas as seguintes condicións:

- a) Debe ser garantida a descontinuidade horizontal dos combustibles entre a infraestrutura e o límite externo da faixa de xestión da biomasa.
- b) A altura máxima da vexetación, arbustiva e herbácea, é a que consta no cadro adxunto, variando en función da porcentaxe de cobertura do solo.

% do solo arbóreo cuberto/ altura máxima da vexetación (cm)

Inferior a 20100

De 20 a 50..... 40

Superior a 50... 20

- 3. Os estratos arbóreo, arbustivo e herbáceo remanentes deben ser organizados espacialmente de maneira que se evite a continuidade vertical dos diferentes estratos combustibles.

As copas das árbores e dos arbustos deberán estar distanciadas un mínimo de 10 m da edificación e nunca se poderán proxectar sobre o seu tellado.

Non poderá haber ningunha acumulación de sustancias altamente inflamables, excepto no previsto na lexislación sectorial para depósito de combustibles.

ANEXO IV:

Tarifas para o cobro dos custos de execución

As tarifas que se aplicarán para o cobro dos custos por execución subsidiaria serán as seguintes:

— Tractor (desbroce, uso de remolque con pluma e calquera traballo con tractor): 50 €/hora Tractor de cadeas; 100 € Tractor de martelos.



Martes, 18 de maio de 2021

Núm. 92

- Traballos pa mixta: 40 €/hora
- Utilización de furgón: 30 €/hora
- Roza manual: 15 €/hora
- Motoserras: traballos a nivel do chan: 15 €/hora
- Traballos en altura: 30 €/hora
- Persoal que utilice material de limpeza (coitelas, fouciñas e outros): 12 €/hora

Uso material auxiliar:

- Coche motobomba (30 €/hora)
- Coche (15 €/hora)
- Coche con remolque (25 €/hora)
- Maquinaria manual: 10 €/hora
- Uso de maquinaria alugada polo concello: o seu custo mais gastos
- Prestación do servizo fóra do termo municipal: 30 €/hora, máis 0,63 €/km.

SEGUNDO. Someter dita Ordenanza municipal a información pública e audiencia dos interesados, con publicación en o Boletín Oficial da Provincia e taboleiro de anuncios do Concello, polo prazo de trinta días para que poidan presentar reclamacións ou suxestións, que serán resoltas pola Corporación. De non presentarse reclamacións ou suxestións no mencionado prazo, considerarase aprobada definitivamente sen necesidade de acordo expreso polo Pleno.

Simultaneamente, publicar o texto da Ordenanza municipal no portal web do Concello [<http://campolameiro.com>] co obxecto de dar audiencia aos cidadáns afectados e solicitar cantas achegas adicionais poidan facerse por outras persoas ou entidades.

TERCEIRO. Facultar a ALCALDE para subscribir e asinar toda clase de documentos relacionados con este asunto».

Contra o presente Acordo, interporase recurso contencioso-administrativo, ante a Sala do Contencioso-Administrativo do Tribunal Superior de Xustiza de Galicia con sede en A Coruña, no prazo de dous meses a contar desde o día seguinte á publicación do presente anuncio, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa.

DOCUMENTO ASINADO ELECTRÓNICAMENTE.

Pode verificar a integridade deste documento no seguinte enderezo:
<https://sede.depo.gal>
Código seguro de verificación: K28JF1MC1DBIYY2X

